



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

I. Disputatur de Osea.

urn:nbn:de:hbz:466:1-16260

PROPOSITIO IV.

233

tem perirent. At cum R. Isaac Aramah, Praefatione in Canticum, Synagogae magnae Magistris libri Duodecim Prophetarum scriptionem videtur tribuere, sic intellige, quosdam à Prophetis illis fuisse de numero Sapientum Synagogae hujus, Aggaeum videlicet, Zachariam, & Malachiam; totum vero Confessum prophetias horum Duodecim in unum volumen composuisse.

DE PROPHETIA OSEE.

I. *Disputatur de Osea. II. Probatur Prophetia Osee*
ἡρωϊσμός & antiquitas.

I. **P**ROPHETARUM Duodecim, qui Minores appellantur, sed & majorum *Disputatur* etiam quatuor primus censetur Osee, quippe qui primus omnium *de Osea.* οὐρανός futura prædicare aggressus sit, Ozia, Joathanis, Achazi, & Ezechiae, regum Juda, Jeroboami vero, filii Joas, regis Israel temporibus. Hoc inter suos munere functus est per longissimum annorum decursum, quos ad nonaginta proferunt Ebraei; proindeque ad summam vixerit senectutem: adeo ut Israëlitici regni, teste Hieronymo, futuram prænuntiaverit cladem, & luxerit ingruentem, & præteritam ad emendandum Judam commemoraverit. Tribu Isachar oriundum fuisse à Pseudo-Epiphonio & Pseudo-Dorotheo traditum est; oppido Bethsemes, non ut apud eos mendose legitur, Belemoth, quemadmodum à Drusio observatum est; patre Beerii, non Beera illo quem captivum abduxit Thelgathphalnasar, & cujus meminerunt Paralipomena, uti opinantur Ebraei: nam præterquam quod nomina discrepant, cum hic sit בְּעֵרִי, ille בְּעָרִי; Propheta Isacharites fuit, ut dixi, alterum vero principem Rubenitarum fuisse Paralipomena indicant.

II. At vaticinii hujus auctorem se ipse declarat Osee tertio capite, sic de se *Disputatur* ἡρωϊσμός ferens *amico & adulteram*: tum: *Et sodi eam mihi quindecim argenteis*: deinde: *Et dixi ad eam, Dies multos expectabis me.* Inde porro plurima sumfisse Jeremiam deprehendimus: cum enim scripsisset Osee secundo capite: *Et cessare faciam omne gaudium ejus, solennitatem ejus, neomeniam ejus, sabbatum ejus, & omnia festa tempora ejus*: sic eadem representavit Jeremias: *Et quiescere faciam de urbibus Juda, & de plateis Jerusalem, vocem sponsi & vocem sponsæ: in desolatione enim erit terra; quæ bis, tertioque repetit.* Ea quoque ita representavit Ezechiel: *Et quiescere faciam multitudinem canticorum tuorum, & sonitus cithararum tuarum non audietur amplius.* Talibus convitiis Hierosolymitanam Synagogam inceserat Osee: *Et hæc nescivit quia ego dedi ei frumentum & vinum & oleum, & argentum multiplicavi ei, & aurum, quæ fecerunt Baal: hæc ipsa ei objicit Ezechiel, & sumens de vestimentis tuis, fecisti tibi excelsa, hinc inde consuata, & fornicata es super eis, sicut non est factum, neque futurum est. Et tulisti vasa decoris tui, de auro meo atque argento meo, quæ dedi tibi: & fecisti tibi imagines masculinas, & fornicata es in eis. Et sumisti vestimenta tua multicoloria, & operuisti illa; & oleum meum, & thymiana meum posuisti coram eis. Et panem meum, quem dedi tibi, simulam, & oleum, & mel, quibus enutrivisti te, posuisti in conspectu eorum, in odorem suavitatis, & factum est, ait Dominus Deus.* Reliquum Ezechielis caput, si quis cum Osee secundo conflixerit, paria omnia deprehendet: utrobique enim Hierosolyma acerrimis verbis castigatur propter impios idolorum cultus, qui adulterii & spurci amoris nomine adumbrantur, pœnæque olim infligendæ, atque iis demum toleratis venia scelerum condonanda, novumque faciendum fœdus præsignificantur. Similis sunt argumenti, quæ extant vicesimo tertio capite Ezechielis, atque hæc potissimum: *Sedisti in lecto pulcherrimo, & mensa ornata est ante te, thymiana meum, & unguentum meum posuisti super eam.* Ita quoque Osee: *Et post hæc revertentur filii Israel, & quærent Dominum Deum suum, & David regem suum: hæc Jeremix pepererunt: Non dominabuntur Jacob amplius alieni, sed servient Domino Deo suo, & David regi suo: & hæc quoque Ezechielis: Et suscitabo super eas pastorem unum, qui pascat eas, servum meum David: ipse pascet eas, & ipse erit eis in pastorem. Ego autem Dominus ero eis in Deum, & servus meus David princeps in medio eorum.* Ex hoc denique Osee: *Et adducet ventem ventum Dominus de deserto ascendentem, & siccabit venas ejus, & desolabit fontem ejus, & ipse diripiet thesaurum omnis vasis desiderabilis: manifesto hæc Ezechielis expressa sunt: Et ventus urens siccarit fructum ejus: & arefactæ sunt virgæ roboris ejus: ignis comedit eam: & nunc transplantata est in desertum, in terra invia & sitiienti.*

Gg